



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Dubium II. Quæ materia Eucharistiæ.

urn:nbn:de:hbz:466:1-42545

manducatio. Christus autem instituit hoc Sacra-
mentum pro manducantibus. Econtra Lugo d. 1.
n. 115. Rhod. d. 1. q. 2. f. 1. §. 2. ad 3. & alii di-
cunt causandam gratiam , dummodo talis ho-
mo consentiat in illam positionem Sacramenti
existentis intra se , nam debet esse illi volun-
taria ; refertque Lugo ex Salmerone exemplum de
aliquo , qui cùm præ debilitate non posset su-
mere Eucharistiam , quam ardentissimè desi-
derabat , pectore miraculosè aperto eam exce-
pit , utique cum effectu gratiæ ; & ratio con-
gruentia est , quia cibus naturalis ita miraculo-
sè positus in Romacho nutririет , ergo etiam di-
ci potest , quod spiritualis sic positus nutriat ; &
hoc fortè innuit S. Cyprianus in serm. de coena
Dom. his verbis , Cibus hic verus & sincerus per
speciem & Sacramentum radu nos sanctificat. Nec
obstat , quod Joannis 6. v. 54. dicat Christus,
Nisi manducaveritis &c. nam Lugo probabiliter re-
spondet , his verbis tantum innui præceptum
obligans ad ordinariam sumptionem Eucha-
ristiæ.

D U B I U M . II.

Quæ materia Eucharistie.

Nota. Sicut in aliis Sacramentis est duplex
materia , proxima & remota; ita etiam hic,
sed ordine inverso , nam in aliis materia remo-
ta est res permanens , proxima vero ejus usu,
qui transit; hic vero remota transit, & proxima
manet , scilicet species panis & vini. Queritur
ergo tantum de remota, illa scilicet , quæ facta

con-

consecratione transit in Corpus & Sanguinem
Christi.

Resp. Materia Eucharistiae est tantum panis
& vinum. Est de fide, & probatur ex institutione
Christi; Matth. 26. & Luc. 22. Et quidem utraque
materia, panis & vinum, est ita necessaria ad
hoc Sacramentum confiendum, ut per se
numquam licet possit una consecrari absque
alia, quod patet tum ex facto Christi, Luc. 22.
tum ex Trid. sess. 22. Unde resolues

I. Consecratio utriusque speciei, est juris di-
vini; quia ratio Sacrificii, sine quo non sit, exi-
git utramque.

II. Non licet alteram tantum speciem conse-
crare, in necessitate etiam gravi, v. g. ut mori-
bundo detur Viaticum. Suar. Eccl. communis

III. Nec Pontifex in eo potest dispensare ullo
casu. Ita commun. Suar. 3. p. d. 55. s. 4. Eccl. con-
tra quosdam.

Dixi I. per se, quia per accidens, & praeter in-
tentionem quasi, aliquando unam posse solam
consecrari absque peccato, docet Tann d. 5. q. 2.
dub. s. n. 27. dicirque esse communem, v. g. in his
casibus: 1. Si quis aquam, vel alium liquorem
pro vino consecrasset, neque defectum intelli-
geret, nisi diu post: aut postquam advertisset,
non posset haberi aliud vinum; vel quamvis
haberet, non posset tamen illo uti sine gravi
scandalo, vel vitæ periculo. 2. Si post consecra-
tam hostiam subitum mortis periculum ab ho-
ribus, vel incendium immineat, secluso ta
men scandalo & contemptu fidei. Regin. l. 29.
c. 4. 3. Si Sacerdos hostiâ consecratâ moria
tur, vel animo deficiens, loquaciam perdat,

S. 4

vel

"vel in amentiam incidat, nec sit aliis, qui pos-
"sit Sacrificium perficere, Suar. Vsq. &c. Si au-
"tem alias supplere, & Sacerdos infirmus Com-
"munionem suscipere potest, debet hostia divi-
"di, eique pars dari, Tambur. de exped. Sacrif. l.
"v. 2. c. 8.

"Dixi II. Licitè, quia validè alterutram tantum
"consecrari, est certum : ut patet tum ex facto
"Christi, qui panem ante consecravit; tum ex
"praxi Ecclesie, quæ Corpus ante Sanguinem
"proponit adorandum.

ADDENDA.

418. Q. 76. An conveniens fuerit materiam Eucha-
"ristie esse panem & vinum. R. Affirmative cum S.
Thom. q. 7. 4. a. 1. & Catech. Roman. de Euch. cap. 3.
n. 2. Congruentiae sunt, 1. Sicut aqua est assum-
pta ad Baptismum, quia illa aptissimè significa-
bat ablutionem animæ, quam Christus per Ba-
ptismum intendebat, ita cum Christus per Eu-
charistiam intenderet spiritualem refectionem,
corroborationem & exhilarationem animæ,
aptissimè illam instituit in pane & vino, quibus
homines communius reficiuntur, corroboran-
tur & exhilarantur. 2. Cum Christus in Eucha-
ristia deberet esse permanens vita spiritualis ani-
mæ, rectè ex pane & vino conficitur, quibus vita
humana potissimum permanet. 3. Quia hoc Sacra-
mentum erat ad utilitatem corporis & ani-
mæ, Corpus Christi sub specie panis est pro sa-
lute corporis, Sanguis Christi sub specie vini pro
salute animæ, secundum illud Levit. 17. v. 11.
anima carnis in sanguine est. 4. Quia hoc Sacra-
mentum debebat esse signum & causa unionis
fidei.

fidelium in Ecclesia, hæc aptissimè significabatur per panem, qui conficitur ex multis granis, & per vinum, quod confluuit ex multis uvis. 5. Cùm hoc Sacramentum deberet esse memoriale passionis & mortis Christi, passio optimè significatur per panem, qui in area & mola alteri, ac per vinum, quod in torculari calcari ac premi debet: Similiter mors Christi significatur per hoc, quod Corpus & Sanguis vi verborum quasi separentur, & Corpus loco panis significetur sùm Sanguine, & Sanguis loco vini significetur sùm Corpore. 6. Sic suadetur nobis veritas præsentiaz Corporis & Sanguinis Christi, nam cùm panem & vinum in carnem & sanguinem humandum vi naturæ quotidie immutari animadvertisimus, faciliter adduci possumus hæc similitudine, ut eredamus panis & vini substantiam in Christi Carnem & Sanguinem supernaturaliter converti. Hæ congruentiaz desumptæ sunt ex SS. PP., quos refert Rayn. in Candel. f. 3. cap. 2. à n. 16, ubi etiam ostendit Eucharistiam convenientissimè institutam esse sub modicis speciebus panis & vini.

Q. 77. Quandonam materia Eucharistie censeri debet substantialiter, vel tantum accidentaliter mutata. R. Colligi debet, partim ex dictis à n. 18. & 21, partim ex disendis in seqq. dubiis.